

No part of the candidate's evidence in this exemplar material may be presented in an external assessment for the purpose of gaining an NZQA qualification or award.

SUPERVISOR'S USE ONLY

3

91808



Draw a cross through the box (X) if you have NOT written in this booklet

☐

Mana Tohu Mātauranga o Aotearoa
New Zealand Qualifications Authority

Kaupae 3 Te Reo Rangatira 2024

91808 Te whakaoti tuhinga

Ngā Whiwhinga: Toru

Paetae	Kaiaka	Kairangi
Ka tātari i ngā hanga o te tuhinga.	Ka whiriwhiri i ngā hanga o te tuhinga hei whakawhanake i te tuhinga.	Ka āta whiriwhiri i ngā hanga o te tuhinga hei whakawhanake, hei whakaara i te tuhinga.
Ka hāngai te whakakapinga ki ngā hanga i kitea.	Ka whakawhanake i nga ariā matua.	Ka nanakia te whakarite i te tāhū o te tuhinga. Ka nanakia te whakaraupapa i ngā whakaaro e oho rata ai te hunga pānui.

Tirohia mēnā e rite ana te Tau Ākonga ā-Motu (NSN) kei runga i tō puka whakauru ki te tau kei runga i tēnei whārangi.

Whakautua mai ngā pātai KATOA ki ngā wāhi wātea kua whakaritea.

Mēnā ka hiahia whārangi atu anō hei tuhituhi i ō whakautu, whakamahia ngā whārangi wātea kei muri o tēnei pukapuka.


Tirohia mēnā e tika ana te raupapatanga o ngā whārangi 2–7, kei roto i tēnei pukapuka, ka mutu, kāore tētahi o aua whārangi i te takoto kau.

Kaua e tuhi kupu ki roto i te rauponga whakarare (|||) i waenga nui ngā whārangi, ka tapahia ēnei wāhanga.

HOATU TE PUKAPUKA NEI KI TE KAIWHAKAHAERE Ā TE MUTUNGA O TE WHAKAMĀTAUTAU.

Kairangi

TOTAL 07



Whārangi 1

TE HOROPAKI

He whakamātautau tēnei e kite ai i ōu pūkenga tātari tuhituhi hei kōwhiri i ngā mahi, i ngā whakaaro, i te kawenga tonutanga o tētahi whakaotinga tuhinga. Nā konā, ka tuhi i ngā whakatakotoranga me ngā āhuatanga momo reo tuhituhi, e kitea ai te hōhonutanga o te whakaaro, te hihiri ki te kaupapa, me te whaihua o te tuhinga mai i te puna reo me te puna tikanga.

Ngā Tohutohu

- Āta pānuitia te kōrero a Dr. Jeremy Tātere MacLeod ki te taha matau, e pā ana ki ngā āhuatanga o te Kōhanga Reo.

TŪMAHI TUHITUHI

Kia mārama kehokeho tāu tuhituhi ki te kaupānui. Me tīmata tāu tuhinga ki konei.

B I U

Te piko o te māhuri tērā te tupu o te rakau he kakanō tātou i ruia mai i rangiatea mai te kōpu o te whenua ka hono te wairua me te tinana o te tangata mā te Kōhanga reo mā Te Aho Matua mā Te Whare Wānanga e tika ai te tipu o te tāmaiti mā te whanau mā ngā mātua e arahi. Tihei Mauri Ora!

Ka whakatauria e au ngā pou o tōku whare reo he whare Kōhanga reo kei te pou mua ko te take me tae atu ngā mokopuna ki te Kōhanga reo, kei te Poutokomanawa ko tōku ao ki te kōhanga reo, kei te Poutūarongo ko te kaupapa matua ki ahau o te Kōhanga reo.

Kei te Pou mua ko te take me tae atu ngā mokopuna ki te Kōhanga reo. He mokopuna tēnei nō te Kōhanga Reo kei reira te tuāpapa o tōku ao ako Māori ki waho atu i te kāinga i timatahia. Me kaha tonu tātou te uru ngā mokopuna ki ngā Kōhanga reo mā te Kōhanga reo e whakaritea te tamaiti ki te ao kura. Ki ahau mehemea he hiahia nō ngā mātua kia haere ki tētahi Kura Kaupapa Māori me tae atu ki te Kōhanga reo i te tuatahi. Kia whai wheako te tamaiti ki roto i tētahi wāhi ako reo Māori waiata Māori, takoro Māori hoki.

Kei te Poutokomanawa o tōku whare Kōhanga reo ko tōku ao. I timata ai ahau ki te Kōhanga reo o Moerewa ahakoa he nohinohi noa iho ahau i aua wā ka mahara ake ki ngā mea iti nei i ako e ahau. Te kaute i ngā nama, te mōhio i ngā tae ngā hanga o tētahi mea i timata hoki te tū ki mua ngā tātanga ki te waiata me te kōrero katoa katoa ki roto i te reo. Ko te Kōhanga reo ki ahau he whare ahuru i ngā hiahia o rātou mā i timata te kaupapa o te Kōhanga reo. Ko te Kōhanga ki ahau te whare wānanga pai mō ngā mokopuna katoa. Ka maharatia te wā i ahau kei te Kōhanga ki ngā kuia me ngā whaea e kaha manaaki i ahau kia toro matika tēnei māhuri hei poutiriao hei poukaiawha ki tēnei ao Marama.

TE KŌRERO

Waka Huia - Kōhanga Reo

I hua ake ai te kerēme a te Kōhanga reo i runga i tā te karauna takatakahi i te mana o te kaupapa, kua roa te kāwanatanga e tāmi ana, nō reira kei te mōhio mātou i tā te Tāhuhu tāmi mai i te kaupapa o te kōhanga reo, koirā i haringia ai tērā kerēme ki te taraipiunara. Nō reira, kua 50 tau mai i te petihana, kua 40 tau mai te whakatūnga mai o te kōhanga reo, kua 35 tau mai te whakamanatanga o te reo Māori ki roto i te ture, kei hea tātou ināiane? Ki au, e huri haere ana te tai.

Ko te kaupapa matua ki au, ko te whakatō i te reo Māori ki roto i ngā ngākau o ā tātou tamariki mokopuna.....

Mātāpuna: Wakahuiatvz. (2022, Noema 20). *Waka Huia - Kōhanga Reo Pt 2 full episode* [Kiriata]. YouTube. <https://youtu.be/AeDMcyq819Y>.

MAHERE WHAKAARO

(Kāore tēnei mahere whakaaro e mākahia)

He whakaemiemi whakaaro:

He tūhura i ngā raupeka tuhinga:

He whakaraupapa whakaaro:

He whakatau kapinga:

He kupu whakanikoniko hei whakatairanga:

Kei te Poutūarongo ko te kaupapa matua o te Kōhanga reo. E tika ana e huri ana ngā tai ana te reanga hou te reanga Kōhanga reo te haere mai nei! Ahakoa ngā piere nuku maha o te wā pēnei tonu i te kāwana e takahi tonu ana i a tātou te iwi Māori ānō nei he tiriti puehu ka takahia e tātou me hoki ki te tuapapa. Whangaia ngā mokopuna ki te reo haria ki te Kōhanga ko rātou te āpōpō mā te Kōhanga e mirimiri ngā whakaaro o ngā mokopuna kia tū pakari tū rangatira hei ngā tau e heke mai nei. Me whakatō ka tika i te kākano kia mahuri kia kohure te tipu. Kua 40 tau te Kōhanga reo ka tū hei ngā tau 40 e haere mai ana me ngūngūru pai te whenua nei i te tini Mokopuna e ngākau nui ana ki te kaupapa nei ko te reo Māori me te Kōhanga reo.

Tamaiti akona ki te Kōhanga reo tū ana ki te aho matua, patua i tēnei raho kawana, tū ana ki te ao tau ana!

557 WORDS

Kairangi

Te Wāhanga Ako: Te Reo Rangatira

Te Paerewa: 91808

Te Maaka: 07

Te Pātai	He pitopito kōrero
Tuatahi	Autaia te whiriwhiri i ngā hanga o te tuhinga, i te aronga hoki o te tuhinga hei whakawhanake i te whakaotinga tuhinga.